



## KENYATAAN MEDIA

### SITUASI TERKINI JANGKITAN COVID-19 DI NEGARA BRUNEI DARUSSALAM

06 Syawal 1441 / 29 Mei 2020

1. Kementerian Kesihatan ingin memaklumkan kepada orang ramai bahawa pada hari ini, Jumaat 06 Syawal 1441 bersamaan 29 Mei 2020, Alhamdulillah dengan izin Allah Subhanahu Wa Ta'Ala jua, **tidak ada kes baru** jangkitan COVID-19 telah disahkan di negara ini. Ini bermakna **jumlah keseluruhan kes COVID-19 di negara ini kekal seramai 141 orang** manakala **jumlah kes yang telah sembuh ialah seramai 138 orang.**
2. Pada masa ini, hanya **satu kes aktif** masih dirawat di Pusat Pengasingan Kebangsaan. Beliau masih dalam keadaan kritikal dan memerlukan bantuan mesin tambahan *heart/lung machine (ECMO)* dan mesin pernafasan.
3. Dalam tempoh 24 jam yang lalu, sebanyak **255 sampel** telah diuji bagi virus SARS-CoV-2 yang membawa jumlah keseluruhan ujian makmal dijalankan sejak Januari 2020 kepada **18,962 ujian.**

4. Seterusnya, berikutan makluman mengenai **BruHealth App**, Alhamdulillah setakat ini sejumlah **242,827 orang ramai** telah mendaftar sebagai pengguna aplikasi tersebut. Disamping itu juga, sejumlah **4,100 syarikat dan premis** telah mendaftar kepada aplikasi tersebut. Dengan ini, orang ramai yang belum mendaftar adalah disyorkan untuk memuat turun dan mendaftar ke aplikasi **Bruhealth** tersebut. Kerjasama orang ramai dalam penggunaan aplikasi Bruhealth serta mengimbas QR code di tempat keluar masuk premis akan sedikit sebanyak memastikan keselamatan orang ramai termasuk penjual dan pelanggan terjamin serta akan memudahkan Kementerian Kesihatan untuk membuat *contact tracing* sekiranya ada penularan jangkitan berlaku. Sama-samalah kitani saling ingat mengingati.

5. Disamping itu, orang ramai adalah juga dinasihatkan untuk masih mengamalkan langkah berjaga-jaga dan sentiasa berwaspada dimana saja berada dengan mempratikkan penjarakan fizikal, menjaga kebersihan tangan serta etika batuk dan bersin yang betul. Selain itu, di dalam meraikan suasana hari raya pada tahun ini, orang ramai juga diingatkan untuk mematuhi Garispanduan Sambutan Hari Raya Aidilfitri sebagaimana yang telah dikeluarkan oleh Kementerian Kesihatan seperti dengan hanya menyambut hari raya dengan ahli keluarga terdekat sahaja dan mematuhi garispanduan perkumpulan

ramai iaitu menghadkan kepada 20-30 orang sahaja pada satu masa tertakluk kepada kesesuaian keluasan rumah.

6. Untuk maklumat lanjut dan perkembangan terkini, orang ramai boleh melayari laman web Kementerian Kesihatan iaitu **www.moh.gov.bn** atau menghubungi **Talian Nasihat Kesihatan 148** atau melalui aplikasi **BruHealth** atau **healthinfo.gov.bn**.

**Marilah kita sama-sama berdoa bagi kesembuhan semua pesakit terutama sekali yang berada di Pusat Pengasingan Kebangsaan. Semoga Allah Subhanahu Wa Ta' Ala memberikan kesembuhan sepenuhnya dan agar Negara Brunei Darussalam sentiasa bebas dari wabak COVID-19.**

**- TAMAT -**

Rujukan : KK/PR/2

Tarikh : 06 Syawal 1441H / 29 Mei 2020